

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 0100395 24 K
Visoko, 15.04.2024.godine

U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Selme Skenderović, u krivičnom predmetu protiv optuženog Alihodžić Sedina zv. "Pita" sin Nusreta iz Visokog, zbog krivičnog djela davanje dara i drugih oblika koristi iz čl.381 KZ FBiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T04 0 KTK 0056008 23 od 22.12.2023. godine, na pretresu za izricanje krivično pravne sankcije održanom u prisustvu Kantonalne tužiteljke Adine Karadža i optuženog Alihodžić Sedina, dana 15.04.2024.godine donio je i javno objavio:

P R E S U D U

OPTUŽENI: ALIHODŽIĆ SEDIN zvan "P.", sin N. i majke A. rođene S., rođen godine u V., nastanjen u mjestu R. bb, grad V., pismen sa završenom srednjom stručnom spremom, po zanimanju, nezaposlen, oženjen, otac ... mladb djece, vojsku nije služio, lošeg imovnog stanja, B., državljanin Bosne i Hercegovine, JMBG:

K r i v j e

Što je:

dana 03.11.2023. godine u V., u mjestu V. P., oko 01,00 sat iza ponoći, policijskim službenicima PS Visoko učinio dar u vidu novca u iznosu od 50,00 KM da u okviru svoje funkcije ne učine što bi morali učiniti tako što je, upravljajući pmv. marke "Mercedes" registarskih oznaka ... zaustavljen od strane policijskih službenika PS Visoko Hadžialić Admina, Vuković Dine i Kaljun Ednana radi vršenja saobraćajne kontrole sa akcentom kontrole prisustva alkohola u organizmu, pa kada su mu policijski službenici saopštili da će ga alkotestirati i provjeriti status vozačke dozvole je im je predao na uvid samo potvrdu o registraciji a ne i vozačku dozvolu koja mu je navodno ostala u novčaniku, pritom se lažno predstavljajući kao Š. A., izašao je iz vozila, prišao navedenim policijskim službenicima i iz džepa pantalona izvadio novčanicu u apoenu od 50,00 KM nudeći je i gurajući je prema prsima policijskih službenika da isti ne izvrše službenu radnju kontrole prisustva alkohola u organizmu, što im je bila obaveza da vrši u okviru saobraćajne kontrole, pa nakon što je upozoren da navedenom radnjom čini krivično djelo davanje mita i da vrati novčanicu, te nakon što mu je po izvršenom alkotestiranju utvrđeno prisustvo 1,87 promila alkohola u krvi i saopšteno da će zbog prekomjerne količine alkohola u krvi po članu 174. Zakona o osnovama bezbjednosti saobraćaja na putevima u BiH biti lišen slobode i priveden u PS Visoko, svjestan da se radi o policijskim službenicima koji su ovlašteni i dužni da ga u okviru svoje funkcije liše slobode zbog počinjenog prekršaja iz člana 174. u vezi sa članom 224. Zakona o osnovama bezbjednosti saobraćaja na putevima u BiH, pa u namjeri da ne izvrše službenu radnju lišenja slobode ponovo je iz džepa pantalona izvadio novčanicu u apoenu od 50,00 KM i počeo im je gurati obraćajući im se riječima: "De popite nešto da ovo završimo, pusti me da idem kući, neće niko znati", što je i htio, pa kada su ga policijski službenici odbili, obratio im se riječima: „Dabogda vam dijete bilo gladno, pa onda uzimajte vozačke" nakon čega su ga lišili slobode i

priveli u PS Visoko kojom prilikom su mu pronašli ličnu kartu na ime Alihodžić Sedin, sin N. i utvrdili njegov stvarni identitet,

dakle, službenoj osobi u Federaciji BiH učinio dar u vidu novca da u okviru svoje funkcije ne učini što bi morala učiniti,

čime je počinio krivično djelo „Davanje dara i drugih oblika koristi” iz člana 381. stav 1. Krivičnog zakona Federacije BiH (KZ F BiH).

Pa sud optuženom na osnovu istog zakonskog propisa: te na osnovu članova: 42., 49. i 62. KZ FBiH, izriče

USLOVNU OSUDU

Kojom se optuženom ALIHODŽIĆ SEDINU za počinjeno krivično djelo utvrđuje kazna zatvora u trajanju od 8 (osam) mjeseci, a koja kazna se neće izvršiti ako optuženi za vrijeme od 2 (dvije) godine ne počini novo krivično djelo.

Na osnovu čl.202 stav 4 ZKP FBIH optuženi se oslobađa plaćanja troškova krivičnog postupka i isti padaju na teret budžetskih sredstava suda.

Objasnenje

Kantonavno tužilaštvo Zeničko-dobojskog kantona (u daljem tekstu KT ZDK), optužnicom broj T04 0 KTK 0056008 23 od 22.12.2023. godine, optužilo je Alihodžić Sedina, zbog krivičnog djela „Davanje dara i drugih oblika koristi” iz člana 381. stav 1. Krivičnog zakona Federacije BiH (KZ F BiH) Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH),

Optužnica je potvrđena od strane sudije za prethodno saslušanje ovog suda dana 28.12.2023.godine. Na ročištu o izjašnjenju o krivnji dana 27.02.2024. godine optuženi Alihodžić Sedin priznao je krivnju za krivično djelo Davanje dara i drugih oblika koristi” iz člana 381. stav 1. Krivičnog zakona Federacije BiH (KZ F BiH).Na ročištu o razmatranju izjave o priznanju krivnje, dana 15.04.2024.godine, sud se uvjerio da je optuženi Alihodžić Sedin izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama ovog krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi Alihodžić Sedin počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predložene dokaze i to : Zapisnici o ispitivanju osumnjičenog Alihodžić Sedina PS Visoko broj: 08-02-09/1-1049/23 od 03.11.2023. godine i KT ZDK broj T04 0 KTK 0056008 23 od 22.12.2023. godine, Zapisnik o saslušanju svjedoka Hadžialić Admina PS Visoko broj: 08-02-09/1-1047/23 od 03.11.2023. godine; Zapisnik o saslušanju svjedoka Kaljun Ednana PS Visoko broj: 08-02-09/1-1058/23 od 06.11.2023. godine; Zapisnik o saslušanju svjedoka Vuković Dine PS Visoko broj: 08-02-09/1-1064/23 od 06.11.2023. godine; Izvještaj o počinjenom krivičnom djelu PS Visoko broj 08-02-09/1-KU:214/23 od 09.11.2023. godine; Zapisnik PU II, PS Visoko o lišenju slobode Alihodžić Sedina broj: 08-02-09/1-210/23 od 03.11.2023. godine; Zapisnik PS Visoko o otpustu osobe lišene slobode – Alihodžić Sedina broj: 08-02-09/1-210/23 od 03.11.2023. godine

Naime, priznanjem optuženog koje je u potpunosti i u skladu sa predloženim dokazima, nesporno je dokazano da je isti počinio krivično djelo koja mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, a sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predloženih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga je sud optuženog oglasio krivim za navedeno krivično djelo i izrekao mu krivično pravnu sankciju.

Prilikom izricanja krivično pravne sankcije sud je cijenio optuženom Alihodžić Sedinu kao olakšavajuće okolnosti činjenicu da se smatra neosuđivanim jer je presuda kojom je ranije osuđen trebala biti brisana, da je priznao izvršenje krivičnog djela koje mu se stavlja na teret, čime je u mnogome doprinio utvrđivanju činjeničnog stanja i skraćanju krivičnog postupka.

Cijeneći utvrđene okolnosti na strani optuženog, sud je optuženom Alihodžić Sedinu, za navedeno krivično djelo „Davanje dara i drugih oblika koristi” iz člana 381. stav 1. Krivičnog zakona Federacije BiH (KZ F BiH), na osnovu istog zakonskog propisa: te na osnovu članova: 42., 49. i 62. KZ FBiH, izrekao uslovnu osudu, kojom se optuženom ALIHODŽIĆ SEDINU za počinjeno krivično djelo utvrđuje kazna zatvora u trajanju od 8 (osam) mjeseci, a koja kazna se neće izvršiti ako optuženi za vrijeme od 2 (dvije) godine ne počinio novo krivično djelo.

Na osnovu čl.202 stav 4 ZKP FBiH optuženi se oslobađa plaćanja troškova krivičnog postupka i isti padaju na teret budžetskih sredstava suda.

Sudija
Avdija Avdić

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.